

**Naalakkersuisut oqaatsinut kiffartuussivimmik pilersitseqqullugit aalajangiiffigisassatut siunnersuut. Oqaatsinik kiffartuussivik oqaatsinut siunnersortinik inuttaqassaaq, kalaallisut oqaatsitta ator neqarnerini nakkutilliiviussalluni aammalu siunnersuiner mik neqerooruteqassalluni, tusagassiuutinili oqaatsitta ator neqarnissaannik ilinniartitsiffiusinnaassalluni.**

(Inatsisartunut ilaasortaq Mimi Karlsen, Inuit Ataqatigiit)

### **Akissuteqaat**

(Ilinniartitaanermut, Kultureqarnermut, Iisimatusarnermut Ilageeqarnermullu Naalakkersuisoq)

### **Siullermeerneqarnera**

Kalaallisut oqaatsitta ator neqarnerini nakkutilliivimmik aammalu siunnersuiner mik neqerooruteqartartussamik, tusagassiuutinilu oqaatsitta ator neqarnissaannik ilinniartitsiffiusinnaasumik oqaatsinut kiffartuussivimmik pilersitseqqullugit aalajangiiffigisassatut siunnersuummut Naalakkersuisut qujapput.

Naalakkersuisut 2017-imi upernaakkut ataatsimiinnermi pilersaarutigaat oqaatsinik ineriartortitsinermut periusissatut iliuusissatullu pilersaarusiamik agguaanarlutik. Periusissatut iliuusissatullu pilersaarusiani allaaserineqarput maannamut suliat aallartinneqarsimasut aammalu nunatsinni oqaatsit nukittorsarniarlugit nutaanik siunnersuuteqarluni, ilagalugu tusagassiuutini oqaatsit.

Naalakkersuisut eqqumaffigaat tusagassiorfiit kiffaangissuseqartut allagaasa imarisaannut sunniiniangikkaluarluni tusagassiorfinni elektroniskiusuni naqitanilu kalaallit oqaasii nukittorsarneqarnissaat.

Naalakkersuisut tusagassiuutilerisut kalaallit oqaasii tusagassiuutini ator neqartarnerat pillugu oqaloqatigivaat.

Namminersorlutik Oqartussat nutserisunut programmimik nutserinermi ator tumik IKT-mut suleriaasissaq 2011-2015 imm. 2 tunngavigalugu pisisimapput, kissaatigineqarmat nunatsinni ator neqartut assigiissaarnissaat. Oqaasileriffiup ineriartortitaanik maskiina ator lugu nutserutip ineriartortinnissaanut Naalakkersuisut piffissami kingullermi ukiunut tallimanut 10 mio. kr-nik tapiisimapput.

Nutserinermi programmip oqaatsinik katersuiffittaata kalaallit oqaasiinik immerneqarnera suli ingerlavoq naatsorsuutigineqarporlu Oqaasileriffiup nutserissummik ineriartortitsinerata saniatigut ingerlanneqassasoq.

Taamaasiornikkut Naalakkersuisut naatsorsuutigaat oqaatsit nutsikkat pitsanngoriartussasut pisortani aammalu tusagassiuutini.

Inatsisit atuuttut tunngavigalugit Oqaasiliortut suliassaraat kalaallit oqaasii pillugit oqartussat inuillu siunnersortassallugit.

Siunnersuummi matumani siunnersuutigineqarpoq immikkut ittumik 'oqaatsinut kiffartuussivimmik' pilersitsinissaq, soorlu tusagassiuutit eqqortumik oqaatsinik atuinissamut ikiortissarsiorfigisinnaasaannik.

Naalakkersuisut isumaqatigivaat suliffik taamatut ittoq Oqaasileriffimmi inissisimassasoq, nukittorsaasoqarsinnaammat oqaatsinik siunnersortimik atorfinitsitsinikkut siunnersuutigineqartut kisiisa pingaartillugit suliaqartussamik.

Naalakkersuisunilli nalilerneqarpoq 'nutaarsiassanik kukkunerisuineq' tusagassiuutilerisut namminneq isumagisassarigaat, soorluttaaq aalajangersimasumik pikkorissaasarneq Oqaatsinik Pikkorissarfimmit neqeroorutigineqartassasoq (soorlu immikkut ittumik pikkorissaanermik aaqjissuussinermik).

Suliassalli allat Naalakkersuisunit isiginiarneqarput Oqaasileriffimmit suliarineqartassasut taannalu nutaatut ujartuinikkut kiffartuussineq ingerlanneqartassaaq.

Taamaasillutik Naalakkersuisut siunnersuutip akuerineqarnissaanik inassuteqarput.